

LINDÅS KOMMUNE  
Kvernhusmyrane 41  
5914 ISDALSTØ

Dykkar ref.:

Vår ref.:

Dato:

Sak/dok.:

06/01645-124

28.11.2019

Ark.:

326.12

## Klage på adressenamn - Nygård - Lindås kommune

Me viser til vedtak Lindås kommune har gjort om nytt adressenamn, jf. registrering i matrikkelen 07.11.2019.

Ved fastsetjing av skrivemåten av stadnamn må vedtaksorganet fylgja § 4 i lov om stadnamn. Hovudregelen er å ta utgangspunkt i nedervd lokal uttale, og normera etter gjeldande rettskrivingsprinsipp for norsk. I tillegg må ein ta omsyn til kva skrivemåtar som alt er registrerte som godkjende eller vedtekne i det offisielle registeret for stadnamn, Sentralt stadnamnregister (SSR). Me viser her til § 4 tredje ledd, som fastset at *den skrivemåten som er brukt for det namneobjektet namnet opphavleg vart brukt om, [skal] som hovudregel vere retningsgivande for skrivemåten for dei andre namneobjekta*. Forskrift om stadnamn og utfyllande reglar om skrivemåten av norske stadnamn har nærmare føresegner om korleis namn skal normerast.

Adressenamnet *Nygård* har fått ein skrivemåte som ikkje er i samsvar med primærnamnet *Nygarden*, som står som einaste godkjende skrivemåte av bruksnamnet i SSR. Dette namnet bør kommunen vurdere på nytt, og Kartverket nyttar difor den formelle klageretten me har etter § 12 i lov om stadnamn for å få ei ny vurdering i kommunen.

### Vidare saksgang for klagesaker

Kommunen må enten gjera nytt vedtak i samsvar med primærnamnet, jf. § 4 tredje ledd i lov om stadnamn, eller ta kontakt med Kartverket og reisa namnesak for primærnamnet. For gards- og bruksnamn, stølsnamn og naturnamn er det Kartverket som er vedtaksmynde.

### Innmelding av vedtak i Sentralt stadnamnregister (SSR)

Me nyttar elles høvet til å minna om at alle vedtak som gjeld stadnamn (inkl. adressenamn), skal fylgja saksgangen slik han er beskriven i § 8, 9 og 14 i lov om stadnamn og § 8 og 9 i forskrift om stadnamn. Dette inneber mellom anna at kommunen skal senda framlegg om nye namn til Stadnamntenesta i Språkrådet før de gjer endeleg vedtak, og at vedtaket skal meldast inn til Kartverket for registrering i SSR. Vedtaket skal innehalda den informasjonen som går fram av § 9 i forskrift om stadnamn.

Venleg helsing

Erlend Trones  
namneansvarleg region vest

Dokumentet vert sendt utan underskrift. Det er godkjent i samsvar med interne rutinar.

Kopi

SPRÅKRÅDET